



**UNIVERZITET U TRAVNIKU
EDUKACIJSKI FAKULTET
NASTAVNO-NAUČNO VIJEĆE**

Broj: 124-3/12-e

Datum: 31. 05. 2012 godine

U skladu sa čl. 47 Statuta Univerziteta u Travniku i članova 19 do 29 Pravila studiranja za II ciklus studija na Univerzitetu u Travniku Nastavno – naučno vijeće na sjednici održanoj dana 25. 04. 2012 godine, donosi

**VODIČ ZA SVE UČESNIKE U POSTUPKU OD PRIJAVE DO ODBRANE MAGISTARSKOG
RADA NA
II. CIKLUSU STUDIJA (DIPLOMSKI STUDIJ)**

I OPĆE ODREDBE

1. Tokom trajanja IV. semestra tekuće akademske godine, student pristupa izradi Magistarskog rada. Cilj izrade i odbrane Magistarskog rada je da student pokaže samostalnost i kreativnost kao i sposobnost primjene stečenih praktičnih i teorijskih znanja u rješavanju složenih problema iz određene naučne oblasti.

2. Nakon što je izvršio ovjeru III. semestra, student stiče pravo na prijavu teme Magistarskog rada. Tema Magistarskog rada bira se iz nastavnog predmeta prema želji studenta, a nakon konsultacije sa predmetnim nastavnikom.

3. Prijava teme Magistarskog rada podnosi se u 3 (tri) primjerka u Studentskoj službi Fakulteta ili referentu za master studij ili uposleniku Studentske službe ukoliko je ovlašten za to. Prijava teme Magistarskog rada treba da sadrži sljedeće podatke: **1. Radni naslov teme; 2. Obrazloženje teme rada; 3. Ciljeve i zadatke istraživanja; 4. Opće hipoteze 5. Radne teze (strukturu rada); 6. Metode istraživanja; 7. Očekivane rezultate 8. Korištenu literaturu; 9. Izjava o plagijarizmu (Izjava da Master rad predstavlja samostalan istraživački rad i da nije plagijat).**

II PROCEDURE DO ODBRANE

4. Nakon prijave teme za izradu Magistarskog rada, Dekan Fakulteta zakazuje sjednicu Nastavno-naučnog vijeća Fakulteta. Na sjednici Nastavno-naučnog vijeća konstatuje se da je kandidat izvršio prijavu teme za izradu Magistarskog rada, nakon čega Nastavno-naučno vijeće Fakulteta predlaže Senatu Univerziteta u Travniku Komisiju od četiri člana (mentor, dva člana iz naučno-stručne oblasti iz koje se obrađuje tema Magistarskog rada i zamjenik) koja će ocijeniti podobnost teme za samostalnu naučnu obradu i da li kandidat ispunjava propisane uvjete.



5. Komisija koja je imenovana na osnovu Saglasnosti Senata Univerziteta u Travniku i Odlukom Nastavno-naučnog vijeća Fakulteta, sačinjavajući Izvještaj o podobnosti teme i ispunjavanju propisanih uvjeta od strane kandidata i isti dostavlja Nastavno-naučnom vijeću Fakulteta u svrhu odobravanje teme za izradu Magistarskog rada.
6. Nakon što Nastavno-naučno vijeće, razmotri dostavljeni Izvještaj upućuje Senatu Univerziteta u Travniku zahtjev za dostavljanje Saglasnosti za odobrenje teme.
7. Nakon što je dostavljena Saglasnost za odobrenje teme za izradu Magistarskog rada, Nastavno-naučno vijeće donosi Odluku o odobravanju teme za izradu Magistarskog rada i kandidat pristupa obradi iste i izradi Magistarskog rada.
8. Kandidat je dužan dostaviti Magistarski rad najkasnije dvije godine od ovjere posljednjeg semestra. Izuzetno, Nastavno-naučno vijeće Fakulteta, rješavajući po molbi kandidata, može rok od dvije godine, iz opravdanih razloga produžiti, ali najviše za još jednu godinu.
9. Komisija za ocjenu Magistarskog rada dužna je da u roku od tri mjeseca od prijema rada podnijeti izvještaj Nastavno-naučnom vijeću Fakulteta. Izvještaj sadrži opis i ocjenu (mišljenje) podnesenog rada i prijedlog da se rad prihvati i odobri njegova odbrana ili da se rad odbije.
10. Nastavno-naučno vijeće Fakulteta na osnovu dostavljenog izvještaja Komisije za Magistarski rad donosi Odluku o podobnosti rada za odbranu.
11. Nakon što Nastavno-naučno vijeće donese Odluku o podobnosti rada za odbranu upućuje, Senatu Univerziteta u Travniku prijedlog za dostavljanje Saglasnosti na pokretanje procedure za odbranu Magistarskog rada.



III PROCEDURE ODBRANE

12. Nakon dostavljene Saglasnosti od strane Senata Univerziteta u Travniku, vrijeme i mjesto odbrane Magistarskog rada utvrđuje se u dogovoru s kandidatom, a moraju biti objavljeni najmanje 15 (petnaest) dana prije odbrane, na oglasnoj ploči i web stranici fakulteta.

13. Kandidat je odbranio Magistarski rad ako Komisija za Master rad većinom glasova ocijeni odbranu.

14. Odbrana Magistarskog rada se ocjenjuje sljedećim ocjenama: **rad odbranjen sa odlikom (Summa cum laude), rad odbranjen (cum laude) i rad nije odbranjen.**

15. Komisija je dužna isti dan ili najdalje u roku od 5 (pet) dana od dana odbrane rada, Nastavno-naučnom vijeću Fakulteta dostavi Izvještaj o odbrani rada za Zapisnikom sa odbrane, radi omogućavanja procedure izdavanja isprave kojom se potvrđuje završetak Magistarskog studija.

IV PROCEDURE NAKON ODBRANE

16. Ukoliko je Magistarski rad negativno ocjenjen, kandidat može podnijeti zahtjev za izradu i odbranu novog rada na istu temu, najranije godinu dana, a najkasnije dvije godine od dana saopštavanja negativne ocjene rada ili odbrane.

17. Ukoliko Magistarski rad nije odbranjen, kandidat može da pristupi izradi novog Master rada s drugom temom iz iste oblasti iz koje je obrađivao predhodnu temu.

18. Student ima pravo da prijavi temu Magistarskog rada najviše 3(tri) puta. Ukoliko ni nakon treće prijave Magistarskog rada tema ne bude odobrena ili rad po treći put ne bude odbranjen, kandidat gubi pravo na prijavu teme za Magistarski rad.



V ZAVRŠNE ODREDBE

19. Ukoliko kandidat ima namjeru objaviti svoj Magistarski rad u nekom od referentnih časopisa ili prezentira na naučno-stručnim simpozijima dužan je da:

- Vidljivo označi da je rad odbranjen na Univerzitetu u Travniku;
- Pribavi pozitivnu recenziju mentora ili jednog člana Komisije za Magistarski rad.

20. Ukoliko se nakon sticanja akademske titule magistra pojavi osnovana sumnja da Magistarski rad ne predstavlja samostalni istraživački rad ili da kandidat nije, u vrijeme odbrane rada, ispunjavao druge, Statutom Univerziteta u Travniku i Pravilima za II ciklus studija propisane uslove, provodi se postupak za oduzimanje akademske titule i zvanja magistra u skladu sa odredbama Statuta Univerziteta u Travniku i Pravila za II ciklus studija.

Vodič je napravljen u skladu sa Statutom Univerziteta u Travniku i Pravilima II. ciklusa studija. Namijenjen je svim učesnicima u postupku odbrane Magistarskog rada: studentima, mentorima, dekanima, članovima komisija, Pravnim i Studentskim službama i primjenjuje se od 01. 06. 2012 godine..

DEKAN

Doc. dr Hazim Selimović, s.r.